


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
LOC 31 1940

T 2458/7240(3)



歷代世譜卷之六

高祖世譜

宋武帝 永初

劉裕彭城人也。與長子劉義隆共居京邑。裕嘗曰：吾嘗以天下為家。今當傳諸子孫。故曰京邑。裕嘗曰：吾嘗以天下為家。今當傳諸子孫。故曰京邑。

文帝 永平

劉義隆字元勳。裕長子也。裕嘗曰：吾嘗以天下為家。今當傳諸子孫。故曰京邑。

歷代世譜卷之六

南朝世譜

宋武帝

永初

劉裕。彭城人。少賤。長勇健。誅桓玄有功。封宋公。進封王。遂篡位。在位二年。

少帝

景平

名義符。武帝子。嗣位。居喪無禮。狎暱遊戲。擅道。碎等廢而弑之。在位一年。

文帝

元嘉

名義隆。武帝第三子。寬仁勤儉。國安人盛。江左風俗於斯為美。末年其政漸衰。為太子劭所弒。在位三十年。

孝武帝

孝建

大明

名駿。文帝第三子。誅劭即位。機警博洽。而奢淫貪利。終日酣飲。在位十一年。

廢帝

景和

名子業。孝武帝子。自少狂暴。即位居喪傲惰。誅殺骨肉。恣為不道。在位一年。壽鑿之弒之。

明帝

泰始

泰豫

名彧。文帝子。封湘東王。臣下立之。奢淫好殺。戮其昆弟。殆盡焉。在位八年。

蒼梧王

元徽

名昱。初明帝無子。以宮人賜嬖人李道兒。生昱。十歲立。無道。蕭道成弒之。在位五年。

順帝

昇明

名準。明帝第三子。十一歲即位。蕭道成篡位。廢之而弒。在位三年。

右宋八主共六十年

宋歷年圖曰。晉氏渡江已來。君弱臣強。禍亂相繼。至於元興而桓氏篡位。高祖首唱大義。糾合同志。起於草萊之間。奮臂一呼。凶黨瓦解。遂梟靈寶之首。奉迎乘輿。再興王室。厥功已不細矣。既而治兵

誓衆經營四方。揚旗東征。廣固橫潰。卷甲南趨。盧循殄滅。偏師西上。譙縱授首。鉞卒北驅。姚泓面縛。遂汎掃伊洛。修奉園陵。震驚旃裘之心。發舒華夏之氣。南國之盛。未有過於斯時者也。然區宇未一。蹂於天位。委棄秦雍。以資寇敵。使大功不成。惜哉。文帝勤於為治。子惠庶民。足為承平之良主。而不量其力。橫挑強胡。使師徒殲於河南。代馬飲於江津。及其末路。狐疑不決。卒成子禍。豈非文有餘而武不足耶。夫以孝武之驕淫。明帝之猜忌。得保首領。以沒於牖下。幸矣。其何後之有。

齊高帝 建元

蕭道成為宋相國封齊公。進爵齊王。遂篡位。帝清儉深沉。大量博學。能文。在位四年。

武帝 永明

名曠。高帝太子。即位之後。留心政事。嚴明決斷。盜賊息。百姓足。在位十一年。

鬱林王 隆昌

名昭業。武帝太子。長懋之子。太子早卒。昭業立。既即位一年而無道。蕭鸞弑之。

海陵王 延興

名昭文。武帝之孫。蕭鸞立之。起居飲食皆聽於鸞。而後行。鸞廢之而自立。復弑之。

明帝 建武 永泰

名鸞。高帝第三子也。初封宣城王。廢弑二主而自立。在位五年。

東昏侯 永元

名寶卷。明帝子。無道。雍州刺史蕭衍圍建康。以廢之。在位二年。

和帝 中興

名寶融。明帝第八子。初為南康王。蕭衍立而篡弑。

之在位一年

右齊七主共二十四年

齊歷年圖曰。高帝以功名之盛。不容於昏暴之朝。逆取而順守之。亦一時之良主也。明帝自以得於不義。猜忌高武子孫。誅夷殆盡。深戒東昏以先事制人。而大臣疑懼。禍變相尋。卒亡其國。夫不務令德而殺人。以自安。自古以來。未有能濟者也。

梁武帝

天監 普通 大通 中大通 大同 中大同 太清

蕭衍字叔達。為齊相國。封梁公。進爵梁王。遂篡位。恭儉慈孝。博學能文。勤於政事。而僻好佛法。後為

侯景所逼而殂。在位四十八年

簡文帝

大寶

名綱。武帝太子。侯景立之。在位二年。為景所制。遂廢而弑之。侯景篡位。湘東王繹與王僧辨共攻景。而戮之。

孝元帝

承聖

名繹。武帝第七子。封湘東王。建康既亂。即位於江陵。西魏遣于謹伐梁。城陷。帝出降。為魏人所殺。在位三年。

敬帝

紹泰

太平

名方智。元帝太子封晉安王。江陵既破。即位于建康。未幾為陳霸先所篡。在位二年而梁亡。

右梁四主共五十五年

梁歷年圖曰。武帝當齊之季。任居方面。危不自安。乘時奮起。以除昏主而成大業。及享國日久。普通大通之際。遭魏氏衰微。王公牧守。繼屬而歸之。戎車北征。至於洛汭。觀其勤身約已。好尚文雅。附循士大夫。亦可謂恭儉寬惠之君矣。然以萬乘之主。為桑門之行。屈身傾國。以奉浮屠。恩勝於威。紀綱不立。信佞臣之謀。貪河南之地。棄與國。寵叛人。

使臺城覆沒。老而餒死。江淮以南。鞠為荊棘。其智未足稱也。夫德澤不能及。而享其大利。聖人禍之。譬如悅盜賊之財。而延之入室。財不可得。而喪其所有。必矣。其子孫各擁強兵。列居重鎮。不救君父之危。而窺間乘便。更相屠滅。元帝於兄弟之中。殘忍尤甚。是以雖剪亮渠。而克復故業。旋踵之間。身為俘馘。豈特人心之不與哉。亦天地之所誅也。

陳武帝 永定

陳霸先為梁相國。封陳公。進封陳王。遂篡位。雄傑節儉而好佛。在位三年。

文帝

天嘉

天康

名蒨武帝兄之子。初封臨川王。明察勤儉。在位七年。

臨海王

光大

名伯宗文帝之子。在位二年。安成王頊廢之而自立。

宣帝

太建

名頊文帝之弟。封安成王。廢伯宗而自立。在位十四年。

後主

至德

禎明

名叔寶宣帝子。奢華酒色。近習用事。將帥解解。隋兵滅陳。虜之。在位七年。

右陳五主共三十三年

陳歷年圖曰。武帝與王僧辨同事梁室。謀夷侯景。乘時伺間。卒成大業。奄有江南。斯亦難矣。文帝躬勤政事。足為良主。孝宣值齊之衰。而啓土。連周之興。而喪師。豈非不恃內而恃外者邪。夫以陳國區區。不能居天下五分之一。慄慄危懼。猶不能保其社稷。况後主荒淫無度。以趣之。納身督弁。不亦宜乎。

後梁宣帝蕭瑒。梁武帝昭明太子統之子。統不得立。梁既亂。而魏立瑒為梁王。即位建都江陵。今荊州。

明帝名歸。宣帝之子。孝慈儉約。臣事周朝。境內安靜。

無事 天保

後主名琮。明帝之子。即位二年。隋文帝廢其國。廣運。右後梁三主共三十三年。

北朝世譜

魏道武帝 登國 皇始 天興 天賜

拓拔氏名珪。世居北方。初為代王。改號魏。遂稱帝。都平城。倣古設官制禮定律。後為子紹所弒。

明元帝 永興 神瑞 泰常

名嗣。道武

子先為齊王。諱紹。自立。任用長孫。

嵩等八人為政。時謂八

公。開拓境土。

太武帝 始光 神龜 延和 太延 太平 真君

名壽。明元太子。勇健聰明。兼包并吞。自淮以北悉有之。中常侍宗愛懼誅。弒帝。尚書源賀。鹿勒兵誅愛。

文成帝 興安 興光 大安 和平

名濬。太武之孫。斟酌時宜。懷集中外。民心得安。

獻文帝 天安 皇興

名弘。文成太子。聰惠剛斷。而喜佛老。禪位于太子。自稱太上皇。

孝文帝 延興 承明 太和

名宏。獻文太子。至孝。變左衽之俗。修文明之教。改姓元氏。政事禮樂。蔚然可觀。

宣武帝 景明 正始 永平 延昌

名恪。孝文太子。十四即位。倖臣外戚。交相用事。魏政由是漸衰。

孝明帝 熙平 神龜 正光 孝昌

名詡。宣武太子。六歲即位。胡太后淫穢。佞倖盈朝。盜賊起。后弒帝。爾朱榮殺后。

孝莊帝 永安

名子攸。獻文之孫。爾朱榮欲為亂。帝手誅之。榮之黨廢。帝弒之。

東海王 建明

名暉。封長廣王。爾朱兆等立之。僅月餘而廢之。

節閔帝 普泰

名恭。封廣陵王。爾朱兆等立之。高歡以兆廢立。起兵誅兆。弒帝。

安定王 中興

名朗。高歡立而廢之。再立平陽王修。修懼。奔長安。歡立清河王子善見於洛陽。分為東西魏。

右元魏一十二主共一百四十六年

西魏

武帝 永熙

名脩。即平陽王。高歡立之。時宇文泰都督關中。帝奔長安。以泰為丞相。卒弑帝。

文帝 大統

名寶炬。初為太宰。封南陽王。宇文泰立之。軍國政

事一出於泰

廢帝 不攻元

名欽。文帝太子。即位明年。欲誅宇文泰。謀泄。泰廢之。置之雍州。

恭帝 不攻元

名廓。廢帝之弟。宇文泰立之。泰死。子覺嗣爵為太師。自稱周公。遂廢帝而篡位。

右西魏四主共二十五年

東魏

靜帝 天平 元象 興和 武定

名善見。清河王世子也。孝武逼於高歡。既奔長安。歡別立善見。建都洛陽。時年十一。遷都于鄴。歡自為大丞相。勃海王歡死。子澄襲爵。幽帝於含章堂。澄遇殺。其弟洋自進位相國。封齊王。遂廢靜帝而篡焉。

北朝元魏

歷年圖曰。後魏之先世居朔野。有國久矣。道成乘燕氏之衰。悉舉引弓之民。以憑陵中夏。馬首所向。無不望風奔潰。南取并州。東舉幽冀。兵不留行。而數千里之地定矣。繼以明元。太武。兼青兗。包荆豫。

摧赫連。開閔中。梟蒲洪。吞遼碣。虜沮渠。并河右。高車入臣。蠕蠕遠遁。自淮以北。逾於大漠。悉為其有。子孫稱帝者百有餘年。左衽之盛。未有之也。及孝文嗣位。乃貶戎狄之俗。脩帝王之政。崇儒雅。興禮樂。其風聲文物。蔚然可觀矣。宣武懦弱。不克負荷。寵信讒諛。賊虐親賢。元氏之業。於茲始衰。重之以孝明。幼冲。胡后淫恣。嬖倖盈朝。政出多門。賞罰無章。紀綱大壞。守令貪殘。黎民愁怨。盜賊蠭起。日滋月益。上之人曾無悛心。而內自睽離。以招外盜。於是爾朱榮乘之而起。興晉陽之甲。直指伊洛。母后

幼主沉於回淵。公卿百官。血濡馬足。雖孝莊勇決
手刃賊臣。而枝黨四集。禍不旋踵。孝武惡高歡之
偏。逃遁入關。遭宇文之禍。不能自脫。東西分裂。相
繼皆亡。嗚呼。人主當國家全盛之時。宴安怠惰。以
失其威福之柄。及民心已去。禍亂已成。雖有明斷
之才。猶不能救。况庸君乎。

北齊

宣帝 天保

姓高。名洋。既篡位。殺元氏七百二十一人。以滅其
族。狂淫殘暴。沉酣成疾。而殂。

廢帝 乾明

名殷。宣帝子。宣帝臨終。殷幼。屬常山王演。勿殺之。
既立。演廢殷自立。明年弑之。

昭帝 皇建

名演。宣帝之弟。封常山王。篡立。踰年。出畋。馬驚墜
地。絕筋而殂。

武成帝 大寧 河清

名湛。宣帝之弟。驕奢淫佚。政事廢弛。傳位二太子。
自稱太上皇。

後主 天統 武平 隆化 承光

名緯。成帝太子。奢侈昏亂。周武帝伐齊而滅之。
右北齊五主共二十八年

北齊

歷年圖曰。神武以高世之略。平爾朱之亂。功大勢
盛。為魏武所疑。雖有逐君之慙。而能倦。盡恭以
事靜帝。沒身不怠。此其可稱者也。文襄有俊才而
無重德。恃慢無禮。終隕身於奴隸。文宣淫泆殘暴。
甚於桀紂。而能信用賢臣。委之以政。威加鄰敵。終
其天年。蓋亦有以得之矣。孝昭明達愷弟。實為齊
之令主。享國不永。惜哉。武成驕淫奢縱。齊業始衰。
後主繼之。昏狂尤甚。誅剪忠良。信用諛邪。十年而
亡。已為倖矣。

後周

閔帝

不改元

姓宇文。名覺。年十五篡位。實文護為之。既而惡護
專權。欲誅護。護廢而弑之。

明帝

建元 武成

名毓。閔帝異母兄。封寧都公。宇文護立之。憚其明
毓。進毒弑之。

武帝

保定 天和 建德

名邕。明帝之弟。即位後。誅宇文護。起兵滅齊。帝明
斷節儉。臨雍拜老。可稱賢君。

宣帝

宣政

名贇。武帝太子。為性驕奢。好殺禪位。與太子閔自
稱天元皇帝。

靜帝

大象

名闡。宣帝太子。年幼即位。太后楊氏。揚堅之女也。
堅為丞相。進爵隋王。遂篡位。

右後周五主共二十四年

後周

歷年圖曰。文帝以閩中之衆。東迎孝武。收疲散之
兵。撫貧困之民。任賢使能。列官布職。明部分。務農
桑。以輔魏室。雖以高兵之強。不能陵也。其所為典
法。施於後世。可不謂賢乎。武帝以英傑之資。受制
強臣。恭默端拱。十有餘年。湏其罪盈惡熟。為衆所
棄。一旦除之。若撥羶振槁。可謂知柔知剛。知勇兼
備者矣。然後親統六師。以征東夏。齊之嶮阻不守。
士卒不戰。數月之間。縛其君臣。致之闕下。使有周
之境。東漸于海南。傳于江。雖魏室全盛之時。不能
及也。惜乎宣帝恣其淫侈。逞其竒譎。自絕于天。結

怨于民不及三年而為異姓所有悲夫

總論南北二朝

南北二帝之分王其在於當時南以北為索虜北以南為島夷未嘗相下也而自後世觀之則位均躰敵皆非正統亦安得輕此重彼乎但元魏本夷狄宋氏繼晉傳至於陳皆正朔相承故史之編年以南為紀然南朝宋八世六十年齊七世二十四年梁四世五十七年陳五世三十三年凡四代總一百七十四年北朝元魏自道武至恭帝十三世一百七十五年北齊五世三十年後周五世二十

六年何魏氏國祚之長而其餘年代之促也此無他係其君之賢否而已矣宋武帝劉裕起於寒微生擒數帝遂代晉氏繼之者曰少帝義符曰文帝曰孝武曰廢帝子業曰明帝曰廢帝昱曰順帝其可稱者惟文帝元嘉之政也齊高帝蕭道成代宋繼之者曰武帝曰廢帝昭業鬱林王昭文海陵王曰明帝曰東昏侯曰和帝其可稱者惟高帝及武帝也梁武帝蕭衍代齊躬儉節勤政事能文章然酷信釋氏以慈失刑誤納侯景卒至大亂繼之者曰簡文曰元帝曰敬帝皆無足稱焉陳武帝霸先

代梁繼之者曰文帝。曰廢帝。伯宗曰宣帝。項曰後主。叔寶。其可稱者。唯武帝及文帝也。南朝之速亡。非以亂君之多欤。後魏拓拔氏自曹魏之時已興矣。至東晉之末。道武稱帝。繼之者曰明元。曰大武。曰文成。曰獻文。曰孝文。此五主者。或以功顯。或以德稱。而孝文尤為賢。其遷都洛陽。改姓元氏。禁胡服。胡語。制禮作樂。蔚然可觀。有太平之風矣。宣武之後。明帝為胡后所鳩。魏日以亂。孝莊誅爾朱榮。亦頗英銳。孝武西奔長安。依宇文泰。於是高歡立靜帝。而魏遂分為二矣。然猶未遽亡也。東魏則高氏

代之曰北齊。西魏則宇文氏代之曰後周。高歡以智畧稱。宇文泰以德度勝。皆創業之主也。二氏之子孫。唯周武帝稱賢。泰後周之祚亦促者。何也。由武帝之享年不永。而後嗣之非賢也。國祚之修短。雖由於人。而亦天實為之乎。

隋氏世譜

文帝

開皇

仁壽

姓楊。名堅。父忠。事魏。及周。封隋公。堅。嚴。爵。女為周宣帝后。宣帝殂。靜帝幼。堅以元舅為相。封隋王。遂篡弒而為帝。都長安。火德王。有威重。能任人。天下

一統人物富盛。後為太子廣所弒。在位十四年。

湯帝

大業

名廣。文帝子。初為晉王。文帝以獨孤后之言。廢太子。勇而立之。廣弒父而立。恃其富強。外勤征伐。內恣奢淫。巡遊不息。四方騷然。盜賊競起。宇文化及等弒之於江都。在位十三年。

恭帝

義寧

名侑。煬帝之孫。先封代王。隋朝既亂。唐公李淵兵起。立代王為帝。淵為丞相。煬帝在江都遇弒。在位二年。隋竟為唐所有。

右隋三主共三十七年

歷年圖曰。文帝之於周室。非有元功厚德。素洽於人。直以天元暴崩。嗣君幼弱。姦臣矯命。微幸得之。然明敏儉約。勤於政治。隨才任官。信賞必罰。故能取江南三百年之國。易於反掌。使天下復為一統。百姓繁庶。衣食豐衍。突厥室韋。靺鞨林邑。高昌。女國之屬。莫不稽顙稱臣。奉珍入貢。雖兩漢全盛之時。不能過也。向使後嗣。僅得中材之主。以守之。十世之內。未易亡也。煬帝以恃逆詐謀。坐承富強之業。志驕氣溢。慨然慕秦皇漢武之為人。寤侈極欲。

兵連四夷。政煩賦重。盜賊蜂起。而猶巡遊不息。以樂沿憂。惡聞直言。喜自壅蔽。噫。率是道也。雖禹湯文武之子孫。未或不亡。况隋無積善之基乎。

總論

隋文帝之得天下。方之前代。蓋亦異矣。其父楊忠。仕後周。以功而封。隋至。帝本無功德。但以女為宣帝之后。宣帝驕淫。而又禪位。幼兒。遂使大權歸於外氏。是帝之得國。本易也。陳氏僅有江南。叔寶無道。帝以楊素韓擒虎賀若弼為將。故即位九年而遂平陳。是帝之併天下。亦易也。帝勤於政事。勸課

農桑。輕徭薄賦。自奉節儉。即位之初。民戶不滿四百萬。至末年。乃踰八百萬。其治天下。又有以見其成效矣。然帝徒以吏事為能。而不以王政為尚。王通獻太平十二策。而不見用也。煬帝嗣之。恣為淫侈。生民塗炭。其亡之易。亦宜矣。煬帝伐高麗之役。兵總一百十三萬。大敗而還。於是楊玄感倡亂。東都而群雄並起。李密據滎陽。稱魏公。林士弘據江南。稱楚帝。竇建德據河北。稱夏王。薛舉據隴西。稱秦帝。李軌據河西。稱涼帝。李子通據江淮。稱吳帝。蕭銑據江陵。稱梁帝。王世充據洛陽。稱鄭帝。而唐

起晉陽。西取關陝。推立代王。因奪其位。江都之獨夫既亡。而群雄之芟刈相繼。然後天下一歸于唐。考隋之歷數三世。纔三十年耳。蓋嘗論之。文帝之開創。既無湯武之德。而煬帝之繼承。乃有桀紂之惡。雖欲長世可乎哉。當文帝之世。房彥謙私謂人曰。帝忌刻苛酷。太子卑弱。天下雖安。方憂危亂。其子玄齡亦曰。帝以詐取天下。諸子皆驕奢不仁。必自相誅戮。危亡可待。隋氏之滅。先有其徵。豪傑者固有以預見之矣。

歷代世譜卷之六

歷代世譜卷之七

唐譜

高祖 武德

姓李。名淵。字叔德。隴西成紀人。襲封唐公。隋亂起。兵晉陽。克長安。稱唐王。立恭帝而廢之。遂即帝位。都長安。土德王。後以太子建成。齊王元吉之死。立世民為太子。傳位焉。自稱太上皇。在位九年。

太宗 貞觀

名世民。高祖次子。唐得天下。皆世民之功。太子建成與齊王元吉欲殺之。世民遂殺建成元吉。高祖

因傳位焉。帝聰明英武。能聽言用人。故武功文德兼有之。在位二十三年。

高宗

水微 調露

顯慶 永隆

龍朔 開耀

麟德 永淳

乾封 弘道

總章 咸亨

上元 儀鳳

名治。太宗第九子。封晉王。太宗以太子承乾不才。廢之而立治。即位後六年。廢皇后王氏。立武昭儀為后。既而帝苦風眩。令皇后決百司奏事。自是政出中宮。在位三十四年。

武后

光宅 萬歲通天

垂拱 神功

永昌 天授

聖曆 長壽

觀 延載

長安

名曩。初為太宗才人。後為尼。高宗愛而立之。高宗崩。中宗即位。后廢之。立子昱為帝。后臨朝。殺唐宗

室。改唐為周。以豫章為嗣。賜姓武。宰相狄仁傑舉周張柬之等五人。其後迎中宗復位。稱制二十一年。

中宗

神龍

景龍

名哲。高宗太子。即位後。武后廢之為廬陵王。居均州。遷房州。凡一十四年。還東都。居東宮。七年。張柬之等迎復帝位。既而荒淫不明。韋氏擅權。淫亂。以毒弑帝。在位六年。

睿宗

景雲

太極

名旦。高宗子。中宗弟。武后之廢中宗也。立旦為帝。七年。改唐為周。立為皇嗣。九年。封相王。又十年。始

即帝位。僅二年。以太子隆基有功。傳以帝位。自稱太上皇。

玄宗 先天 開元 天寶

名隆基。睿宗太子。即位之初。好賢樂善。勵精政事。任用姚崇宋璟等。致開元之治。其後溺楊妃之寵。致祿山之亂。兵連禍結。幾絕唐祚。乘輿幸蜀。太子即帝位。在位四十四年。

肅宗 至德 乾元 上元 寶應

名與。更名亨。玄宗太子。玄宗幸蜀。太子即位於靈武。郭子儀李光弼等剋復兩京。其後制於李輔國。

及張皇后。亂生宮掖。因病而崩。在位七年。

代宗 廣德 永泰 大曆

名佖。更名豫。肅宗長子。初封廣平王。進楚王。改成王。既即位。郭子儀李光弼等恢復疆土。帝雖寬仁。不能明斷。在位十七年。

德宗 建中 興元 貞元

名适。代宗長子。猜忌嚴刻。惑於奸臣盧杞輩。傾危忠良。藩鎮反叛。因辱奉天。陸贄李晟等誅惡。還奉社稷。在位二十六年。

順宗 永貞

名諱德宗太子。早歲嬰病。既即位。能委任李吉甫等。以安社稷。僅八閱月。傳位太子。自稱上皇。在位一年。

憲宗 元和

名純。順宗太子。即位時。藩鎮強盛。帝懲前代之失。伐叛討逆。故使威令復張。末年為宦官所弑。在位十五年。

穆宗 長慶

名恆。憲宗第三子。喜聲色遊畋。任用非人。唐業始墜。其後服金石之藥。疾作而崩。在位四年。

敬宗 寶曆

名湛。穆宗太子。遊戲無度。狎暱群小。性褊急。宦官劉克明等弑之。立絳王悟。王守澄誅克明殺悟。立江王涵。在位二年。

文宗 太和 開成

名通更名昂穆。宗子。江王也。恭儉不斷。邪正莫辨。宦官擅權。甘露之禍。死者二千餘人。在位十四年。

武宗 會昌

名炎。文宗之弟。穆宗之子。英敏特達。專任李德裕。削平叛亂。威令復行。在位六年。

宣宗 卒

名怡。更名忱。憲宗第三子。武宗子。幼怡以叔父即位。盡心治道。謂之小太宗。在位十三年。

懿宗 咸通

先名溫。更名漙。宣宗太子。驕恣淫虐。唐室之政愈衰。在位十四年。

僖宗 乾符 廣明 中和 光啓 文德

名儂。懿宗少子。諸宦官立之。方十二歲。政出臣下。威令不行。盜賊並起。在位十五年。

昭宗 龍紀 大順 景福 乾寧 光化 天復 天祐

先名晔。更名晔。僖宗之弟。內為宦官所制。外為藩鎮所逼。其後朱全忠遷帝于洛陽。遂為弑逆。在位十六年。

昭宣 不敗元仍用天祐

名祝。昭宗少子。朱全忠弑太子裕兄弟九人。立祝。方十三歲。在位三年。既而酖弑之。唐亡。

右唐二十一主。共二百八十八年。

歷年圖曰。高祖舉晉陽精兵。承亡隋之弊。席卷長驅。奄有關中。命將出師。掃除亂略。遂降李密。繫建德。擒世充。變武周。翦黑闥。夷蕭銑。六年之中。海內

咸服。何成功之速哉。蓋以太宗之為子也。太宗文武之才。高出前古。驅策英雄。網羅俊乂。好用善謀。樂聞直諫。拯民於水火之中。而措之於衽席之上。使盜賊化為君子。呻吟轉為謳歌。衣食有餘。刑措不用。突厥之渠。繫頸闕庭。北海之濱。悉為郡縣。蓋三代以還。中國之盛。未之有也。惜其好尚功名。而不及禮樂。父子兄弟之間。慙德多矣。高宗沈溺宴安。仁而不武。使天后斷喪唐室。屠害宗支。毒流縉紳。迹其本源。有自來矣。中宗久罹憂辱。備嘗險阻。一旦得志。荒淫不悛。糞土之墻。安可朽也。睿宗鑒

前之禍。立嗣以功。所謂可與權矣。玄宗明皇能謀。有鄙。再清內難。開元之初。憂勤庶政。好賢樂善。愛民利物。海內富庶。四夷賓服。寢淫於貞觀之風矣。及天寶以降。自以功成治定。無有後艱。志欲既滿。侈心乃生。忠直寢疎。譏諛並進。以遊娛為良謀。以聲色為急務。以李林甫揚國忠為周忌。以安祿山哥舒翰為方虎。癰疽結於心腹。而不寤。豺狼游於藩籬。而不知。一旦變生所忽。兵起邊隅。廟堂執檄。而心醉。猛將望塵而束手。腥膻汙於伊洛。流血染於河潼。乘輿播蕩。生民塗炭。禍亂並興。不可救藥。

使數百年之間。干戈爛熳而不息。嗚呼。靡不有初。鮮克有終。安之不可恃。治之不可保。如此夫。肅宗以國之元子。收兵靈武。反旆而東。不失舊物。代宗分命群師。剪除兇醜。使大河南北復為唐臣。其功皆不細矣。然此兩君者。武不足以決疑。明不足以燭理。曷無郭子儀之忠。李光弼之智。因僕固懷恩以因回紇之氣。則天下已非唐有矣。夫以肅宗之孝慈。而制於李輔國。不得養其父。惑於張后。不能庇其子。則其武可知矣。以代宗之寬仁。而聽讒臣之言。使光弼不敢入朝。慙憤而死。懷恩招引外寇。

幾再亡國。則其明可知矣。而又不思經遠之謀。專為姑息之政。盜賊據州郡者。因用為牧守。士卒殺主帥者。因授之旄鉞。使疆暴縱橫。上陵下替。積習成俗。莫知其非。唐之紀綱大壞。不可復振。則肅代之為也。德宗憤積世之弊。憫王室之卑。南面之初。赫然有撥亂之志。而識度闇淺。資性猜懷。親信多非其人。舉措不由其道。賦歛煩重。果於誅殺。故關外之寇未平。而京城之盜先起。於是因辱於奉天。播遷於山南。公卿拜於賊庭。鋒鏑集於黃屋。尚賴陸贄盡心於內。李晟渾瑊輸力於外。故能誅夷元

亮還奉宗祀。自是之後。消副為柔。列方為圓。遠其
晚節。偷懦之政。甚於祖考矣。順宗不幸嬰疾。姦邪
肆志。而能委政冢嗣。以安社稷。足為賢矣。憲宗聰
明果決。得於天性。選任忠良。延納善謀。師老財屈。
異論輻輳。而不為之疑。盜發都邑。屠害元宰。而不
為之懼。卒能取靈夏。清劍南。誅浙西。俘澤潞。平淮
右。復齊魯。於是天下深根固蒂之盜。皆狼顧鼠拱。
紆負效地。稽顙入朝。百年之憂。一旦廓然矣。而怠
於防微。變生肘腋。悲夫。穆宗蒙已成之業。承既平
之緒。授任非才。為謀不臧。使押中之虎。復縱暴於

原野。網中之魚。得自脫於深淵。元和之功。於茲墜
矣。寶曆敬宗。輕易荒縱。自貽顛覆。文宗優游不斷。
受制家臣。雖有好賢之心。文雅之美。皆不足稱也。
武宗英敏特達。委任能臣。克上黨如拾芥。取太原
如反掌。功業不究。惜哉。宣宗少歷艱難。長年踐位。
入之情偽。靡不周知。盡心民事。精勤治道。賞簡而
當。罰嚴而必。故方內樂業。殊方順軌。求諸漢世。其
孝宣之流。亞與懿宗。驕奢無度。賊虐不息。輔弼之
任。委於嬖寵。四海之財。竭於淫樂。民怨不知。神怒
不恤。李氏之亾。於茲決矣。且唐自至德已來。近習

用權。藩臣跋扈。譬如羸病之人。以糜粥養之。猶懼不濟。又况飲之毒酒。其能存乎。及僖昭嗣位。天祿已去。民心已離。盜賊徧於寰區。蓬蒿塞於城闕。漂泊幽辱。寄命諸侯。當是之時。雖欲救之。其將能乎。

總論

唐興因隋之亂。而高祖名應圖讖。時人皆云楊氏將滅。李氏當興。然高祖初無取天下之心。其所以得天下者。以太宗為之子也。高祖初入長安。尊立煬帝之孫代王侑。然後奪其位。其親臣如裴寂。劉文靜。皆無遠謀。太子建成。齊王元吉。才德皆罕聞。

其剪滅群雄者。太宗之功也。玄宗之立也。其兄寧王憲讓之曰。時平則先嫡長。世亂則先有功。此權宜之道也。高祖以建成為太子。使居太宗之上。遂至同氣相殘。建成元吉。皆以戮死。是雖太宗之罪。而實高祖啓之也。太宗文武備具。功治無隆。貞觀四年之後。斗米三四錢。行旅不賣糶。一時名臣如房玄齡。杜如晦之輔相。魏徵王珪之諫諍。李靖李績之征伐。虞世南褚亮之文學。皆由帝之善任使也。高宗繼之。武后周事。易唐為周。十有六年。賴狄仁傑等忠於唐室。中宗復位。而韋氏之亂繼起。韋

后既誅。睿宗復位。以玄宗為之子也。玄宗
元之間。姚崇。宋璟。韓休。張九齡。相繼為相。何其治
也。及楊貴妃有寵。李林甫專政。天寶之亂作。而安
祿山稱帝矣。玄宗奔蜀。肅宗即位。克復兩京。上皇
乃歸。首中興之功者。郭子儀。李光弼也。代宗。德宗。
馭失其道。巨寇雖殄。藩鎮復強。順宗立。僅八月。病
而失音。傳位憲宗。是時裴垍。李藩。李絳。裴度等皆
稱賢相。而淮西之平。則李愬之功也。穆宗無德。敬
宗荒淫。文宗恭儉。而受制家奴。武宗相李德
裕。而澤路以平。宣宗大中之政。人思慕之。謂之小

其剪滅群雄者。太宗之功也。玄宗之立也。其兄寧
王憲讓之曰。時平則先嫡長。世亂則先有功。此權
宜之道也。高祖以建成為太子。使居太宗之上。遂
至同氣相殘。建成元吉皆以戮死。是雖太宗之罪。
而實高祖啓之也。太宗文武備具。功治燕隆。貞觀
四年之後。斗米三四錢。行旅不賫糧。一時名臣如
房玄齡。杜如晦之輔相。魏徵。王珪之諫諍。李靖。李
績之征伐。虞世南。褚亮之文學。皆由帝之善任。使
也。高宗繼之。武后用事。易唐為周。十有六年。賴狄
仁傑等忠於唐室。中宗復位。而韋氏之亂繼起。韋

后既誅。睿宗復位。以玄宗為之子也。玄宗開
元之間。姚崇。宋璟。韓休。張九齡。相繼為相。何其治
也。及楊貴妃有寵。李林甫專政。天寶之亂作。而安
祿山稱帝矣。玄宗奪蜀。肅宗即位。克復兩京。上皇
乃歸。首中興之功者。郭子儀。李光弼也。代宗。德宗。
馭失其道。巨寇雖殄。藩鎮復強。順宗。立僅八月。病
而失音。傳位憲宗。是時。裴均。李藩。李絳。裴度等。皆
稱賢相。而淮西之平。則李愬之功也。穆宗。無德。敬
宗。荒淫。文宗。恭儉。而受制家奴。武宗。相李德
裕。而澤路以平。宣宗。大中之政。人思慕之。謂之小

太宗。然內侍專權。亦不能去。懿宗。奢侈。僖宗。昏童。
黃巢。僭號。帝奔于蜀。巢誅乃還。昭宗。之立。雖有英
氣。而內為宦官所幽。外為強臣所劫。遷朱全忠
遣人入洛。弑帝。至哀宗。而亡矣。唐歷世二十。歷年
二百九十。其可稱者。三宗而已。玄宗。憲宗。皆不克
終。太宗。雖克終。而行猶有缺。程子曰。漢大綱正。唐
萬目舉。又曰。唐之三綱。最為不正。此唐之所以為
唐。而不及於三代也歟。

歷代世譜卷之七

卷之三

